

題襟館唱和集  
上



831125

夏 頤 頤 頤  
頤 頤 頤 頤  
頤 頤 頤 頤

同治壬申秋  
四淮運署琴  
方濬益篆首



序

子箴都轉由粵旋淮一時遐邇之民居者慶於室行者賀於途舉欣欣然有喜色而相告曰初我公之赴粵也以我公忽然捨吾民而他適也今何幸我公之旋淮也是天所以福吾民而使我公再來也然而來何暮也彼民之慶且賀者如此而士之知與不知聞公之來嘖嘖而慶且賀者較民尤加倍焉噫異哉是何政教德澤而感人若是之深也哉先是都轉簿書之暇固好爲詩旣旋淮庶務畢理四民皆樂所業會江陰何悔餘觀察僦居揚州道州何子貞太史合肥王君謙齋先後戾止喜詩人之類聚歌嘯不孤

題襟館倡和集

序

一

酷暑政簡謀所以消夏法廼取邗上題襟集中劉芙初先生寄曾賓谷先生之作依韻首倡二律徧索和章聞者爭自策勵不期月而和者數十人都轉樂詩教之行益思有以誘掖之爰拉余與謙齋日拈題爲古今各體詩太史與觀察乘興亦偶爲之並許同人量題和作自夏徂秋彙之多至五百餘首都轉將梓以問世署其簽曰題襟館倡和集於戲可謂盛矣竊惟蘇李贈荅實倡和之權輿魏晉六朝厥風益暢沿及唐宋漸事和韻次韻而於是賢大夫有樂爲宏獎而提倡於上者而於是有志之士有翕然希聲而附和於下者上下氣孚所謂相得益彰而相需甚殷者

也大抵有志之士畢世刻苦非藉賢大夫有以提倡之多  
湮沒而不顯然提倡之人必才與望素著於時乃可以執  
牛耳而無愧如唐之韓昌黎宋之蘇端明與當代之王漁  
洋諸公是也漁洋去今且二百年士之仰望於提倡者如  
飢渴之求飲食矣自都轉二知軒詩集出無體不備無美  
不包才與望既爲衆所悅服一經提倡安得不樂爲附和  
而今乃知士之知與不知聞公之來嘖嘖而慶且賀者較  
民尤加倍焉爲有繇也不然自夏徂秋爲期幾何而欲倡  
和如此之盛惡可得乎

同治辛未秋桐城許奉恩叔平甫謹撰

題襟館倡和集

序

題襟館倡和集序

子箴都轉由粵旋淮一時遐邇之民居者慶於室行者賀於途舉欣欣然有喜色而相告曰初我公之赴粵也以我公忽然捨吾民而他適也今何幸我公之旋淮也是天所以福吾民而使我公再來也然而來何暮也彼民之慶且賀者如此而士之知與不知聞公之來嘖嘖而慶且賀者較民尤加倍焉噫異哉是何政教德澤而感人若是之深也哉先是都轉簿書之暇固好爲詩旣旋淮庶務畢理四民皆樂所業會江陰何悔餘觀察僦居揚州道州何子貞太史合肥王君謙齋先後戾止喜詩人之類聚歌嘯不孤酷暑政簡謀所以消夏法廼取題襟館倡和集

序

邗上題襟集中劉芙初先生寄曾賓谷先生之作依韻首倡二律徧索和章聞者爭自策勵不期月而和者數十人都轉樂詩教之行益思有以誘掖之爰拉余與謙齋日拈題爲古今各體詩太史與觀察乘興亦偶爲之並許同人量題和作自夏徂秋彙之多至五百餘首都轉將梓以問世署其簽曰題襟館倡和集於戲可謂盛矣竊惟蘇李贈荅實倡和之權輿魏晉六朝厥風益暢沿及唐宋漸事和韻次韻而於是賢大夫有樂爲宏獎而提倡於上者而於是有志之士各翕然希聲而附和於下者上下氣孚所謂相得益彰而相需甚殷者也大抵有志之士畢世刻苦非藉賢大夫有以提倡之多湮

沒而不顯然提倡之人必才與望素著於時乃可以執牛耳而無愧如唐之韓昌黎宋之蘇端明與當代之王漁洋諸公是也漁洋去今且二百年士之仰望於提倡者如飢渴之求飲食矣自都轉二知軒詩集出無體不備無美不包才與望既爲眾所悅服一經提倡安得不樂爲附和而今乃知士之知與不知聞公之來嘖嘖而慶且賀者較民尤加倍焉爲有繇也不然自夏徂秋爲期幾何而欲倡和如此之盛惡可得乎

同治辛未秋桐城許奉恩叔平甫謹撰

題襟館倡和集序

題襟館倡和集目錄

卷一

古今體詩一百十八首

卷二

古今體詩一百四十三首

卷三

古今體詩一百三十八首

卷四

古今體詩一百五十二首

題襟館倡和集目錄

題襟館倡和集卷一

古今體詩一百八首

題襟館消夏第一集用劉芙初前輩讀邦上題襟

集遙寄賓谷先生韻

定遠方濬頤 子儼

火繳撐空汗雨流披襟相對傲浮休詩狂我愛王肥上

謂謙書聖近推何道州 謂子貞 叩竹健扶身似鶴蜀山

高臥氣如秋好風一夜甘霖降快向紅橋載酒游

豪興猶能卷白波賞音今喜抱琴過香探蓮界塵氛淨

貞翁獨游 賦到蕪城感慨多壇坫百年重闢社烟花三

月續徵歌停杯忽動林泉想恨不幽棲薜荔阿

桐城許奉恩 叔平

題襟館倡和集卷一

種樹成陰翠欲流坦夷端不賦三休齊名畫派思荆浩

夢園書畫錄 記事文情愛柳州 近日讀離使 幾局楸枰

消永晝深宵風露抵新秋園林且喜客星聚 道州何子

肥王君謙 一笑題襟續勝遊 貞先生合

紅牙低拍定風波盛會奚辭載酒過絃外賞音原不易

座中顧曲更無多重開永叔傳花宴難得王郎斫地歌

列坐盡歡判卜夜纖纖新月上山阿

合肥王尙辰 謙齋

炎風十日漲江流載月揚帆夜未休恰喜文星瞻北斗

子貞 偶思舊雨話南州 謂毅 亭臺高爽清宜夏花竹陰

森氣似秋十萬腰纏原不羨還期跨鶴海天游 有焦山

簾影簫聲訝卷波竹西亭畔舊曾過眼中名士今餘幾  
郭外青山恨不多萬古惟餘二分月浮生且放百年歌  
使君儒雅風流甚簪盍居然到澗阿

道州何紹基子貞

海疆淮甸占風流運值紅羊一炬休燹後全荒西楚跡  
我來重認古揚州最憐花月如人瘦不待風霜滿眼秋  
賴有通家儒雅舊題襟館畔許優游

高齋寂坐看簾波不覺炎光半月過酷暑枕邊詩思澀  
今宵衫上酒痕多自嫌老醜難圖畫主人勸留小照幸接諸賢  
共嘯歌容我踈狂忘杖履官衙蕭灑似巖阿

翩翩笠屐似飈流訪勝探奇意未休五嶽遍登猶有嶽  
題襟館倡和集卷一

去年欲游九州而外尚多州謂英米各國羣花園繞權支夏

片雨飛來欲報秋好待新涼生院落銜杯暢與話前游  
迴思舊夢疊層波詩草叢叢埽葉過老去矜嚴期道勝  
從前爛漫笑才多兒孫甚念游蹤憊興會偏酣獨夜歌  
幾卷東洲鴻爪印願加薯滓莫依阿諸君均索東洲詩草

答子貞前輩疊前韻方濬頤

才望中朝第一流逍遙林下是真休歡然命酒來吳會

正月予至蘇過訪倏爾緘書自潤州前輩將至揚州尺

即留寓齋對酌幅蒼茫烟水畫數聲清脆管絃秋昨宵道暑天公雨不

負先生放櫂游

詞源浩浩洞庭波盧駱王楊百倍過盡洗鉛華真面出

獨攬胃臆性靈多招涼新種十竿竹乘興且將三樂歌  
卻悵海天人未至相思迢遞白雲阿

方小東誤傳林  
菊溪已來邢上

答子貞先生疊前韻

王尙辰

入世慙居第二流偶聆警欬我心休目光炯炯無餘子  
胸次恢恢隘九州畢竟神龍難見尾從知老鶴不驚秋  
養生飽噉青精飯拄杖欣偕汗漫游

閱遍繁華等逝波虹橋劫後又重過此邦自古才人聚  
小集於今韻事多喜見中興歸命世來我輩發高歌  
酒尊酣處癡蠅擾驅逐還當仗太阿

疊韻答子貞先生

許奉恩

若非砥柱障中流日下江河總未休四海人爭師玉局  
題襟館倡和集

卷一

三

卅年我始識荊州清班久著中朝望晚節還娛老圃秋  
幸示東洲詩一卷平生恨不早從游

矍鑠精神抵伏波幾番杖履喜經過採風邊嶠輜軒遍  
歸隱名山著述多小住紅橋尋勝跡幸聆白雪發高歌  
無才似我真頑鐵愧對崆峒獻太阿

三疊前韻呈巖使

許奉恩

大雅扶輪萃眾流幾番掃徑望何休玉山聊且依淝水  
金帶還應繼相州博覽圖書環四壁等身著作足千秋  
會昌一品他時集萬首奚難傲陸游

五色賤攤說衍波聯吟遲我足音過韓蘇座上人文盛  
元白編中唱和多領袖淮揚迭觴咏口碑海嶠早謳歌

瓣香願效南豐祝差信平生好不阿

四疊前韻與謙齋

許奉恩

王郎風趣異時流天與豪情老未休駿馬飛騰空冀野  
剪刀快利比并州當年同列平原坐初晤君於湯  
貞愍公席上幾度  
相逢白下秋只為使君能好士聯裳不厭廣陵遊  
何當飛渡大江波長嘯金焦兩點過天下能詩真有幾  
眼前如子已無多且看邗水二分月漫唱陽關三疊歌  
贈句遲遲應見答肯將七步讓東阿

贈謙齋三疊前韻

方濬頤

矜奇鬥捷邁時流魯望松陵遇日休不媿家風傳內史  
為貪山色滯舒州君客皖  
四月環村松柏千章樹負郭陂塘

題襟館倡和集

卷一

四

五月秋天與閒身腰腳健他年偕作紫蓬游

門鴨池邊漲綠波殘春猶記盪舟過草堂占得單椒秀

擬築蜀  
山草堂

竹里分來十笏多

君許分逍遙津  
隙地為余別業

裴孟之間堪

結侶汪吳以後復賡歌

邦上題襟集吾皖推  
艾堂山尊兩先生

雄豪詎入

風塵盼骨法空令憶子阿

酬叔平四疊前韻

方濬頤

三峽詞源水倒流更闌刻燭幾曾休君歸漱石江干屋

我去囊詩嶺外州且喜春生雙管活

君偕湯敦之編  
夢園書畫錄

又

看傲寄一籬秋

予近晚嵇小  
雲作寄傲圖

朋簪聚合消長晷不數南

皮囊日游

偏師真足抗王波

戲謂  
謙齋

品藻蘭苕不是過

君有蘭苕  
館詩集猛

雨頓增詩律健清風總覺故人多謾誇干氏搜神記熟  
讀坡仙證道歌君喜說神鬼事兼工導引引領終期雲出岫未容息  
影向箕阿

答子箴三疊前韻

王尙辰

滔滔斯世尙橫流安樂誰知署四休笑我幽棲淝水曲  
喜君重返海南州爲邀素侶同消暑擬種蒼官待聽秋  
暢好衙齋閑下榻狂奴不負此番游

花氣侵衣月暈波簾紋斜蹙晚風過傾談頓覺羈懷釋  
習靜方知樂趣多天與一官容嘯傲膏流萬竈起謳歌  
海陵自昔鍾奇士好詠菁我在沚阿家汝上吳野人皆秦產也

贈叔平四疊前韻

王尙辰

題襟館倡和集卷一

五

書記翩翩異眾流多君雅望媿文休撐腸飽貶三千卷  
橐筆奇探十二州計游十行省隔歲同稽邗水棹去冬約訂來未果言

交回憶秣陵秋花天酒地俱陳迹素髮飄蕭感舊游

浮渡山光皖口波黃華舊里未曾過君居樞陽黃花里傳來七

葉才名重修到三生慧業多君近學道近仿癸辛工雜志君撰

不敢阿里乘十二卷遠宗丁卯富詩譔廿年我獨知君久毀譽平情

不敢阿

奉和子箴都轉題襟館消暑第一集韻

盧氏莫維寶楚香

大海汪洋納眾流使君雅度亦休休綠楊繞郭尋隋苑  
丹荔登盤憶廣州百道飛泉晴帶雨萬竿修竹夜鳴秋

題襟勝事今重續試向平山載酒游  
廿四橋頭水不波十三樓畔幾經過  
我公家隔長淮遠此地秋來明月多  
海嶽常隨書畫舫香山例愛管絃歌  
願陪杖履尊壇坵豈羨詩人詠在阿

和消夏第一集韻

江陰何 栻 梅餘

詩狂書聖總清流如我踈慵定可休  
但把百觚師北海常懸一榻待南州  
楸枰消日閒爭劫茗碗生風爽入秋  
聞道衙齋新種竹子猷乘興要來遊

古井沈沈更不波闌珊花影鏡中過  
故人道故如麟見名士通名比鯽多  
我輩豈猶煩設禮近來何事怕聞歌  
風流重關題襟館宏獎知非所好阿

題襟館倡和集

卷一

六

和消夏第一集韻

定遠 凌兆熊 仲桓

題襟選勝集名流分咏聯吟兩不休  
儘有新詩凌漢上何須斗酒博涼州  
方塘香送紅蕖雨高閣寒生碧簟秋  
雅比南皮添韻事圖成主客邁前游

迴廊幾曲漾簾波擊鉢揮琴此再過  
一局棋消清晝永數竿竹引好風多  
傳花戲仿平山宴倚笛閑賡小海歌  
卻喜晚來殘暑滌停觴還爲仁媿阿

和消夏第一集韻

懷甯 張德堅 石朋

題襟高館萃名流夏日聯吟趁沐休  
雅集正如開洛社才人端合宦揚州  
冰心一片欽無滓澍雨連番兆有秋  
聞道雲山張四壁公餘更作臥時游

芰荷香裏漾簾波掃榻欣逢石友過

謂子貞謙齋詩有叔平諸先生

別裁忘韻險

方伯尤長疊韻

案無留事得閑多居卑冀附青雲

土道暑宜賡白雪歌六一風流今再見心香虔奉好非

阿

和消夏第一集韻

秀水

汪元魯

龍溪

重開綺閣聚名流大雅扶輪邁往休舊澤陽春懷建武

新詩月旦屬濠洲吟遲罰惡三觥約雨過涼生五月秋

指日小秦淮水足畫船好載菊花游

議浚文風河九月可竣

紅橋樓閣剩烟波廿載牙幢感再過壇坫飄零餘韻杳

滄桑閱盡好詩多恰逢何遜思梅至更有王郎斫地歌

慚愧衙官參末座也呈巴曲亂陽阿

題襟館倡和集

卷一

七

奉和夢園都轉題襟館消夏韻

諸城

王際相

治軒

題襟舊館續風流鉛槧追隨樂未休金石恍如聞孔壁

帶圍端不羨揚州畫樨北苑堪消暑坐近西窗快入秋

更愛園東董子井呼僮淪茗話優游

達觀歲月等流波偶得清閒莫放過雅愛荷花經雨靜

新栽修竹引風多二分明月留邗水一曲陽春壓郢歌

但有圖書真樂在何分官解與巖阿

次消夏第一集韻

定遠

陳鍾藻

半橋

伐鼓撻金據上流一時賓從樂休休西崑南嶽猶前事

玉敦珠槃更九州大澤龍蟠雲起夏晴空鷄健日懸秋

多君日課詩囊富可似西川老陸游

中興一老振頽波

謂何子貞丈

王粲游踪更喜過

謂王謙齋

耆舊

到今猶有幾霸才似此已無多裁詩渾似撞穰舞對酒  
差能慷慨歌選佛場開容末座散材亦許採巖阿

次銷夏第一集韻

陽湖湯世厚敦之

當年賓館擅風流好客耽吟老不休選勝昔曾推建武  
主盟今又見濠州詩壇擊鉢渾忘暑碁局敲枰亦有秋  
五斗俗塵全撲去願隨塵杖學清遊

鄉老留題感逝波

吾鄉洪北江先生曾為題襟館作記

遞遭歲月此經過

名流輩出原難量佳句傳抄今更多

坐中王謙齋許叔平兩丈佳句甚多

饒有閒情編畫帙

方伯時命編書畫錄

尙餘逸興託詩歌寄懷已

題襟館倡和集

卷一

八

在羲皇上心曠何須覓澗阿

次銷夏第一集韻

定遠方

銳 冕卿

風雅騷壇第一流自慙良士詠休休舟車回首四千里  
鹽莢關心十二州布穀應時知報夏候蟲得氣俟鳴秋  
座中更有狂吟客可憶當年畫舫遊

睡起瓶笙正沸波閒看竹院烏飛過魂銷一曲知音少  
夢醒三生恨別多有客開尊邀雅集何人彈鋏託長歌  
青萍結綠原無價試看光芒燭澗阿

次銷夏第一集韻

定遠

方臻大 仰昕

邦江勝地聚名流觸咏陶情樂未休豪士喜逢王武子

謂謙齋世丈

宰官又見許郴州

謂叔平先生

圍棋藉以消長夏玩

月何須待九秋最是曲欄風過處竹聲清越足優游  
蓮塘水淺淡無波柳色如烟雨乍過怪石當門生趣足  
碧梧倚檻綠陰多小窗半啟添清興大白爭浮發醉歌  
奚必別尋方外去此間端不讓巖阿

次銷夏第一集韻

定遠方臻峻果卿

題襟到處仰名流此日聲華尙未休前輩詞章傳武進

太史常州人

當時韻事紀揚州一庭月淡涼如水兩腋風生

氣似秋自幸得閒隨杖履滿斟芳醕足優游

湘紋半卷靜無波一局楸枰遲客過修竹恰宜新雨洗  
遠山常覺夏雲多開筵喜見文星聚擊鉢催成下里歌  
鎮日聯吟無箇事此中逸趣勝磬阿

題襟館倡和集

卷一

九

次銷夏第一集韻

丹徒莊忠域中白

快從勝地結名流却幸烽烟此日休江聳金焦聯北固  
地區淮海接南州偶逢韻士堪消暑更喜農人獲有秋  
兩載留連殊自媿也隨英彥許偕遊

拱辰門外泛清波曾記紅橋載酒過往日樓臺今漸少  
中年哀樂覺偏多風流近喜聯觴咏行客相隨發嘯歌  
終是賢材畢搜采考槃未許在山阿

次銷夏第一集韻

錢唐唐人鑑又蘇

題襟雅集盡名流眾綠陰深酷暑休難得謝公除舊宅  
剛逢何遜在揚州南皮逸興猶如昨北牖涼風不待秋  
勝地重新憑嘯咏四并堂下續前遊

澹澹箏杯泛碧波琴書乍潤雨初過浮香亭古塵氛少  
寶米齋清爽氣多畫舫空尋揚子渡新詩遙和竹西歌  
東園三絕何須讓月旦非因所好阿

次銷夏第一集韻

揚州李祖望

濱魚

推襟接襖盡名流觴咏終朝暑未休浩劫蒼茫隨逝水  
綠楊依舊話揚州斟來玉盃都成醉盼到銀河已近秋  
前輩文章留往事曠吟高館任優游

迴欄曲曲起層波高士名卿取次過著眼烟霞閒裏覓  
寄懷風月望中多書編甲乙千秋業財阜東南百郡歌  
信有經綸樹淮海圖書真樂比巖阿

敬疊消夏第一集韻呈方伯

桐城張光甲

南耕

題襟館倡和集卷一

十

千頃波澄納眾流雅懷落落量休休陽城威望崇三院  
陶侃勲名督八州珥筆蓬壺依日月持衡藻鑑歷春秋  
公分校禮闈  
典試滇南卅年中外居清要移節江淮鎮上游

浚井疏泉泛碧波

署後有  
董子井

招涼且喜客星過

何子貞先  
生適至

新栽花木滋培厚重起樓臺蔭茂多八邑觀風操筆削

時修  
郡志

一天化雨潤絃歌扶輪遙繼廬陵盛管領平山古

澗阿

公擬重修  
平山堂

幕府風清集勝流題襟倡和幾曾休奇書萬軸排元圃

古帖雙鉤拓絳州東閣開樽消九夏南宮遺墨重千秋

公舊藏襄  
陽墨跡

吟懷大得江山助手記頻經嶺外遊

公粵行  
有征途

記

華堂風起漾簾波座上蘭芳拂面過當代詩名流播遠  
歷朝畫派品題多談天偶錄閒中記許叔平丈筆斫地  
時聞醉後歌謂王謙齋先生他日平泉成相業瓣香遙指曲陽  
阿

奉和都轉消暑第一集韻 豫章 李鍾珩 心梅

題襟嘉館溯名流避暑幽居得暫休與客唱酬聯舊社  
宜人風景屬揚州樹陰繞座涼過午山色浮江瘦比秋  
一卷西溪圖畫好披吟入勝話前游

世事遷流逐水波何如佳境日相過閒添棋局機心少  
愛住蓬山逸興多一縷茶烟驚鶴夢數聲水調雜漁歌  
還將琴韻凌風奏吹起涼颺滿澗阿

題襟館倡和集 卷一 十一

奉和用芙初韻二律兼似謙齋 文登 于昌遂 漢卿

風至如湯背汗流滿林蟬噪幾時休門前有客來招隱  
敬之新 夢裏何人忽領州閩湘文新避暑懸知河朔飲

迎涼先唱廣陵秋荻花新水添多少好向城西續舊遊  
霜飛暑路賦熬波籬下因循幾輩過會合偶成聯句體  
公與謙齋及遂 閒居不廢抗音歌終饒元靜才名大謂

敢笑虔公拙筆多謙齋亦 并是通人規我短同聲酬  
倡發陽阿公與謙齋同用吳

種竹 何紹基

閑遊寄人廡自種竹十竿明知非吾土且即心所安此  
君真有斐色德皆琅玕多不厭繁雜少亦不孤單赤日

正火熱片影遮簷端清風偶一來翩然翔鳳鸞對君獨  
酌好進酒仍加餐方思記歲月詩叟來盤桓夢園懸知  
我行後翦蔚千檀樂因有好事人爲我迴環看

次貞翁前輩種竹韻

方濬頤

今春課園丁補竹二百竿前年種未活茲方報平安迴  
念西園中錯落排明玕詩友忽言別青士長幽單客夏  
復度嶺新籜齊檐端廣陵太荒蕪何地堪栖鸞君來策  
疲慵使我不素餐鼓勇上壇坫一劍能劫桓竹兮解人  
意引風拂重樂安知十年後不作篔簹看

王尙辰

我有十笏地亂後栽數竿人生適意耳隨遇皆可安老  
題襟館倡和集

卷一

三

鳳唳江天飲啄需琅玕翛然結古歡不使形影單酒酣  
一潑墨清氣噓豪端祝融忽肆威夢境思驂鸞詎獨俗  
可醫對此欲忘餐談笑睨浮雲足傲信與桓泠泠太古  
音他日成籜樂乘興卽來過莫作王猷看

許奉恩

無竹令人俗不嫌三兩竿掩映得生趣容膝卽爲安先  
生挺高節欬唾霏珠玕酷暑此棲止飄曳絺衣單消夏  
良有道延涼不一端惟茲引清風天韻鏗鳴鸞相對便  
娟姿秀色殊可餐瀟洒聊自娛足以傲躬桓會見叅天  
起月影篔簹團樂賤子願從游朝夕凭闌看

種竹次于貞太史韻

何棫

北地不宜竹難得兩三竿也如童子寺日夕訊平安歸  
來客揚州隨步生琅玕思筍便得筍恍若游鬱單貓頭  
迸雨後鳳尾捎雲端美蔭息舞鶴翹枝巢文鸞爽氣不  
待招秀色真可餐結我歲寒友松柏青桓桓君如構柯  
亭儘足充櫺樂此中有笛材請君留眼看

規塘新種荷花盛開用蟻叟種竹韻

于昌遂

鑿池象闕月積潦才半竿方春種藕苗水活根易安茄  
蕈忽離立竦若青琅玕南風吹菡萏苞拆瓣分雙單花有十八種  
紅霞冒屋脊素月懸檐端流光曜堂壁活色輸  
邊鸞言采房中葯為糜充夕餐不愁風浪起止水無鯢

題襟館倡和集卷一

三

桓雖非遠公社一家話團樂為語謝康樂慎無走馬看

寶米齋雨中小酌聯句呈子貞先生

天公為我拓詩境方子箴祝誦歛威不敢違王謙齋黑

雲菴空萬珠打許叔平脫帽客來遑造請徐椒岑邗水

有情聚萍梗箴讀書圍棋塵俗屏謙亂飛玉屑忘晝永

有壇坵崇開槃敦領椒旁若無人捫蝨猛謙箴南極老人一

高懸堅素秉謙掛瓢豈甘伏箕穎叔短榻

星炳子貞丈謂何支筇獨上梅花嶺箴怒縛蛟螭噤蛙眼

謙且張旗鼓互馳騁叔怕以良金雜頑礦椒小院沈沈

松柏影箴箕踞傲睨敲木瘦謙酒香流涎壺拗頸叔醉

墨淋漓門俄頃椒渴吻屢索龍團餅箴湘紋觸風如藻

行謙阿香車過羣籟靜叔偶露斜日趣繫纜叔昨者白

雪曾和郢翁唱已與貞絕大才名讓紅杏謙枯腸笑予

吟思鯁叔江海餘艤吞舴舨叔要從真樸出新警箴却

借滂沱淬鋒穎謙心兵角勝殊暇整叔慚愧生涯恩蟬

蚬叔久別柯亭與劉井箴羅胸卷軸匹毋災謙遊踪幾

徧古行省叔運際澄清屬天幸叔驚材竭蹶議胸郁箴

肥上園廬何日併謙夢想烟波弄笞箬叔觴咏流連惜

光景叔洗淨炎歎詩骨冷箴

迴思篇次方夢園王謙齋許叔平徐椒岑聯句韻

何紹基

天公玉汝文章境髻齡隨侍天街逞金臺才彥互撞打  
題襟館倡和集卷一

前輩門庭勤造請名場蹴踏滯溼梗沾落泥塵不及屏

計逾壯歲得味永乾嘉風雅遍撥領益解向學志力猛

兄弟一屋夜燭秉謬竊時譽比坡穎先公官高事業炳

蕩節掄才周海嶺我與壇坫共勉電經郭史囿競掀騁

文腴道髓剔璞礪大星一落形弔影先公薨時大星殞於庭更值

時艱鬱成瘕中興在望久延頸迴思庭語尙俄頃最戒

虛名等畫餅必懲浮艷刪藻荇壯游萬里氣逾靜老覺

深汲愁短綆但懷諍友皆匠郢自顧沈疴晞董杏五年

病膈苦饘鯁翩然離湘弄舴舨欲練形神自策警鄂雲

皖樹爭脫穎越水吳山彌秀整滿接學人愧螢蚬笑比

彭錢老窺井中夜幽室覩微張石城邗溝古都省故人

握手有天幸曾侯相方都轉說經何事歧鄭邴古義從茲得融  
併時刻大諸君鈎詩費笮管邀我推敲逃畏景催詩風  
字註疏雨錯時節連夜虛窗五更冷

貞翁前輩用聯句韻作迴思篇卽叠前韻以報

方濬頤

昔年追逐蓬萊境笑看長安棋局逞狀元何人工步打

花間獨許黃鸝請要知所學異木梗劬書閉戶塵事屏

上薄羲獻儕果示解經孔鄭得綱領韓潮蘇海匹湍猛

玉堂接武遺訓秉笈北上別渦潁仰荷提撕眩彪炳

君方去踏仙霞嶺已亥順天鄉試頤出文安蛟龍得水

陋蠲駟駑駘羞共驕騶騁子愚五世兄是科亦舉於鄉巨眼金璞無

題襟館倡和集

卷一

五

留曠太息匆匆逝駒影不材擁腫如贅癭墮淚師門空

引頸親炙愴懷彈指頃六年始啖紅綾餅把臂曲江吟

翠苻待漏沈沈宮鑰靜汲古深慙乏修鯁未必巴人堪

和郢古色古香壓桃杏且向西臺效忠鯁不分南征浮

舴艋是時吳楚烽烟警長槍大戟勝毛穎遊罷三峨歸

纒整日手一編走蠹蛎訪舊重登岡越井前輩癸亥賤遊粵東賤

子外出媿楊斐竭來竹西話槐省生涯拙宦真僥倖况

復附翼雲中邴文戰驅馳垂老併亦欲抽簪帶笮簪流

連難忘燕臺景先生足傲劉淵村馬齒非同蓴菜冷前

喜啖馬齒莧故戲及之

感懷三叠前韻

方濬頤

浮雲蒼狗皆幻境莫訝衆生機械逞勝負相爭殘劫打  
捷徑輸他纓可請塵海何時息蓬梗逍遙巖壑萬綠屏  
紉繹遺編趣彌永竭蹶胡爲困簿領要知新懦匪前猛  
趨營力戒從所秉雌雄劇難判杭穎我姑臥游學宗炳  
怕酌貪泉偏過嶺紛囂聒耳水上龜頗悔文字浪馳騁  
拙工眯目玉埋礦太息口弩潛射影強項奚由敵智瘳  
喜獲吟朋共伸頸謂李和勞燕東西如電頃豪放判將珠  
市餅紆徐幾類魚穿荇因病得閑鈴索靜可奈王郎船  
解纜謙齋忽愁聽萑苻起湘郢吾鄉苦旱蟲蝨杏有懷  
欲吐喉茹鯁舸扁之用異艇艫寂然無言抱虛警吐氣  
必仗管城穎誰與擘畫大綱整食古不化書中蚬觀天

題襟館倡和集

卷一

六

豈可甘坐井濕絮漫空障炎熒形骸脫畧繁文省委心  
任運絕冀幸曰愧嚴鄭慕張邴且復推敲思力併雋腴  
登庖罄籠簪底用黃庭談內景鎮以甘瓜熱腸冷

論詩四疊前韻

方濬頤

胸中自闕空靈境真樸無事才華逞好將禪棒當頭打  
上乘頂禮皈依請務爲生澀學艱梗掇拾怪僻覲幽屏  
繆種未必流傳永東南壇坫孰管領師子搏兔全力猛  
如將將兵威權秉鸞鷹獨進軍夾穎絺章繪句丹青炳  
仙音縹緲王喬嶺鰲擲鯨吐氣吞龜天門誅蕩蛟龍騁  
洪爐大冶鎔碎礦奔電追風兼躡影嘲彼礮磊生怒癭  
萬丈光芒朱雀頸信手拈來談笑頃於今名土同畫餅

弱質可憐煩荇苒中正淫哇判喧靜絲抽不斷鹿盧鯁  
心匠勞勞鑄槃郢遂令地割襍媚杏埽除門面貢誠鯁  
遙吟俯唱家舴艋唯其意到故奇警直奏單微露鋒穎  
法律細密格嚴整饋貧糧足帙枯炳遺址猶存董子井  
豁開障翳朝陽暎或謂才多宜嗇省風雅論交今日幸  
草堂歸去希李邴長篇短句奚囊併款客有魚滿篝簞  
此癖堪慰桑榆景醉聳山肩驢背吟

感懷步何子貞世丈迴思篇韻

方臻大

少年妄想蓬萊境困頓名場志未逞隴上歸來冽風打  
昂藏解脫幕中請揚子江頭寄萍梗竟日清閑煩慮屏  
火繳當空夏晝永靜對楸枰得解領作賦媿弗如僧猛

題襟館倡和集

卷一

七

通經惜未師程秉獨甘顛頽慕箕穎斗室奚屑塗丹炳  
階前怪石侔崖嶺冀除湫隘逐鼃黽開窗四望妙思騁

假山新築等鑿礦鳳尾參差散清影

書齋後新闢小窗種竹數竿北風吹

來頗覺清爽

呼奴擔取獨壺瘦仰天長嘯頻側頸卅載光陰

彈指頃經年不啖官厨餅逍遙無異風前苒西睡氛沴  
仍未靜蹂躪屢同霜折纒軍中歡呼曲歌郢饑民恨乏  
牛山杏自知性介類強鯁曷若還鄉弄舴艋橫逆忽來  
心警警蜂蠆流毒逾鋒穎幽懷鬱結髮慵整藏身難學  
書中炳安得明義歡樂井消散赫羲化炎熨衛公清名

冠南省

謂子青中丞

存拯窮厄亦何幸從茲踈放學張邴故

里園廬久當併晏卷詩書入笈

擬於秋初返里一行歸途飽看

巢湖景烟波浩渺征衣冷

故里篇疊前韻

方臻大

鍾離諸鄉數勝境民風古樸甘受逞邑丞堂上廢鞭打

耕織相安絕祈請避兵北下息蓬梗余七世祖公衍公避明末之亂始由

休甯遷居定遠北爐橋高尙不為塵事屏忠孝傳家年代永門戶

肅然振綱領先輩讀書進善猛遺訓至今猶可秉街頭

一水通淮潁長橋石碣垂彪炳北爐橋即古冶溪為魏帝鑄劍處土山

西望接崇嶺橋西為壽州界地與紫金山相近清溪曲折浮蛙鼃遊人

往來任馳騁村居弗羨金銀礦竹屋紙窗花綻影狂歌

對客敲松癭放浪那知兵在頸西粵氛烟起俄頃日盼

王師成畫餅潰散直若魚穿苻倉皇難戀草堂靜如登

題襟館倡和集卷一

六

絕壁斷懸縷賊騎紛紛發湘鄂道上黔黎爭餽杏盡室

而逃氣吞鯁茅屋三間窄似舢癸丑春賊至懷遠余全家避居孔崗烽燧

連天時告警戈戟縱橫露霜穎元戎治師愧嚴整軍民

性命賤於蚋白骨如山尸塞井大屋高門一例隳風塵

飄泊達京省鋒鏑餘生自知幸此日寸衷仍邴邴十年

憂樂何堪併亂後家書幾滿管清閑偶憶池塘景余家屋後

有月月光透進吟床冷

六月七日快雨初霽夜涼醉坐次寶米齋雨中聯

句韻

何栻

塵中別有方蓬境意行不待颺輪逞林扃靜掩無人打  
龍藏迴車絕造請夙視軒裳猶土梗峩冠博帶從茲屏

坐消長日如年永閒中趣味誰能領赤烏流光火威猛  
平頭大扇手自秉并華一勺勝清潁臥遊且復學宗炳  
雨師驅雲出遙嶺嚼霞風聲聒蝸龜阿香推車恣飛騁  
打窗颯遯疑沙磧繞室蠅蚊匿無影我時拋書枕槐癭  
健起傲如鵝引頸暝光霽色幻俄頃快酌越醪烹芥餅  
月上松篁看水苻題襟館中萬籟靜主客爭持汲古綆  
知已剛逢聖鼻郢蠲疾奚須董仙杏夢園揚疾復作探喉繹絡  
思不鯁墨海盤旋掉飛艫柏梁七字嬾精警松陵一集  
輸新穎麟鬪鳳儷工且整我蝨其間蝨猶炳蜷伏甘爲  
蛙在井朶雲飛來五光熒天咫自捫心自省此如名祿  
不可幸退休合從投効邴諸公交手推挽併直遣樵人  
題襟館倡和集 卷一 五

帶笈笮劣詩不稱佳光景軒渠一笑齒應冷

感舊篇用雨中聯句韻

王尙辰

我生誓闢清涼境寥空放眼胸臆逞襍穢憎他汗珠打  
爛著衣裳羞謁請廁身人海泛蓬梗一飽懽然塵慮屏  
憶昔朝川清趣永睡鄉日月閒中領杯吸碧筍酒力猛  
蒲葵招涼手自秉裙屐風流話坡潁岩谷幽棲慕測炳  
烽烟忽熾皖公嶺閣水浮蛙蛙競呼鼃四方蹙蹙靡所騁  
鑄錯何人空聚礦淮海孤窮悼形影挈族倉皇如贅癭  
夢醒牛車壺繫頸虎口餘生脫俄頃望梅止渴饑畫餅  
浮踪不定風牽苻刁斗森寒夜月靜笑縛蛟螭截長綆  
王師飛翰已下郢槃敦紛陳會北杏丙舍遄歸勤祝鯁

迢迢津上駕舴艋故園從此無寇警觀稼秋原歌粟穎  
敞廬數椽暫修整愛檢殘書辟蟬炳漸喜流民返閭井  
中興瑞應祥雲暝茗椀爐香客畫省故人掃榻心何幸  
屈指龍腰獨慙邴賓朋邗上重合併又理歸裝辦笈筭  
畫圖更仿江南景予舊有小  
朝川圖蝨隱遺園秋思冷

感懷次雨中聯句韻

許奉恩

讀書不到卿孃境望洋而歎焉敢逞兒時歡喜灰堆打  
縱對名師業違請少壯浮沈類漂梗踈狂結習未盡屏  
愛譜織詞摹柳永殘月曉風味徐領或學游仙抗吳猛  
夜漏沈沈華燭秉一櫂西湖同泛潁畫船燈火萬星炳  
呼朋鼓勇躋葛嶺山陰道上森求龜浙東山  
多種竹浪遊桐廬

題襟館倡和集卷一

辛

恣馳騁金錢惜少銅山礦歸來水榭排花影曩在秦淮  
三修花史

侯青甫先生署  
簽曰花影重排白壁去瑕木去癭蛾眉螭首蝤螿領妍

媼區別笑談頃秋月印波圓若餅風牽翠帶參差苻朱

簾一桁塵囂靜憑闌旖旎垂釣綆小鬟彈箏曲歌郢酒

潮紅暈初開杏碗礪全消胸弗鯁扁舟言旋小於艫不

圖風鶴忽告警投筆幾番思脫穎延望王師旅爰整遺

編一炬災及蝻先代藏書  
盡燬于賊卽今兵銷樂田井河山依舊

日月貶僂指轉徙十三省得遂生還亦何幸當年故人

賸管邴謂謙  
齋聯吟東閣昕夕併招隱相期事漁簪躬耕

養親娛晚景我髯雖衰心不冷

夏雲篇

何紹基

古有作賦人解道風雌雄古來作畫人派衍南北宗說  
事最諳詳誰似柴桑翁北窗正高臥夏雲多奇峰奇峰  
化奇雲奇雲盪奇風沛之爲奇雨伸之爲奇虹送垂天  
之奇鵬噓卷海之奇龍炎曦昨赫赫大月忽溶溶聽夏  
雲之卷舒換海色而迴天容題襟館前半月憇夏雲詭  
麗無恒蹤冷暖易氣候喜懼交心胸主人相敬愛詩酒  
與彌縫名畫紛四壁水墨各論功或模胡人莽渺或峭  
禱分青紅不奇不止用意同各奇所奇何由通安得倏  
忽之頃咫尺之中飛騰現滅倘恍漠濛方圓起止色色  
空空如此夏雲是爲大造之造化工之工請君盡卷四  
壁畫相與矯首無言瞻昊穹

題襟館倡和集

卷一

三

夏雲篇次貞翁前輩韻

方濬頤

曩者飛雲巖吐氣何豪雄

集中飛雲巖  
七古最奇

無石不是雲變

化離其宗狀雲卽狀石我服東洲翁昨從白門來高躡  
棲霞峰翛然一片雲東去隨江風泛泛米家船上有貫

月虹搜雲根兮小泊遇焦先兮騎龍動盪絕詭異天水  
相搖溶訝紛披之老筆憑畫意以寫雲容清燕堂內擲

杖起仰睇層霄靡定蹤臨池劇稱快悟生懷素胸山帶  
可繫腰行且拋絨縫雲師助兩師布漢興田功卷簾兮

新爽挹命酒兮醜顏紅癡頑却笑態不同呼吸直與帝  
座通請看膚寸之際廣漠之中奔馳戢香杳靄迷濛漫

漫出岫鱗鱗翳空奇哉夏雲將毋構自天匠運以神工

詩心雲心互凝結安得鞭鸞笞鳳縹緲凌蒼穹

句書歌呈何子貞先生卽次夏雲篇韻

王尙辰

李蔡筆陣曠代雄毅然變古惟吾宗平原而還數作者  
我朝崛起東洲翁翁之腕力健屈鐵嶸巖秀削芙蓉  
峰俗書恣媚不入眼我用我法羞趨風翁昔登朝負氣  
節讜論賊俗噴長虹滄江高臥二十載屈伸隱見其猶  
龍縱橫足跡徧天下山川吟眺心溶溶飽經患難堅素  
秉醞釀道味涵春容祥麟威鳳近罕覩卽論八法希追  
踪賤子夔伏大江北亦有奇氣蟠心胷詩禪書聖緬先  
澤短綫自揣艱長縫文章妙手本天授粉黛塗抹嗤人  
題襟館倡和集卷一

三

功蚓蛇蛙黽互嘲弄琢句詎肯儔三紅時賢好尙若水  
炭曷異所異同所同邇溝忽來遊邂逅姓氏通擊鉢復  
高歌青眼稠人中偶窺潑墨暗叫絕毫端紙背雲烟濛  
赤帝歛威暫稅駕雨洗大月光橫空青氈坐爛尙未識  
字訣但覺翁書短長肥瘠皆神工尙能爲吾書寸紙歸  
鐫崖石摩蒼穹

讀東洲草堂詩集並觀所作各體書卽次夏雲篇

原韻以志欽仰

何棧

世有振奇人足稱詩中之伯書之雄騷選導真派篆隸  
衍大宗古來惟有北海守近者復見東洲翁詞源奔涌  
萬斛泉筆勢卓立千丈峰沓來如驟雨颯去如旅風幽

潤如垂露圓勁如宛虹聳如野鶴矯如游龍但見氣宇  
蕭蕭神溶溶汪洋叔度之度瀟灑仲容之容十洲小瀛  
信天放五岳徧踏疑仙蹤曾無一點俗塵到手眼却有  
百家寶蹟羅心胷能使古法爲我用天孫織衣不待縫  
能起古人與我語醉鄉時訪王無功古不在貌在神骨  
老梅瘦菊不鬥時花紅試思異人自古有何異著衣喫  
飯亦與吾儕同追步千秋不可及品題一字無非通觀  
君生氣拂拂橫出十指下元精耿耿直貫雙眸中縱筆  
一掃塵霧之冥濛如星如日懸晴空我誠不解楮墨精  
良任揮染何爲我拙君獨工天公不平此特一端耳我  
欲立焚筆硯咄咄問蒼穹

題襟館倡和集

卷一

三

席中聯吟夢園爲余訂句杜陵所謂忘形爾汝眞  
吾師也用昌黎贈張籍韻質之 王尙辰

入世乏俗緣動輒遭白眼明知嗜好殊况復形骸簡跡  
肆心弗馳禮法有界限小時善戲謔思之常歎赧良友  
進箴規凜然銘諸版荏苒將半百苦吟傾濁醪據梧隱  
几間撚髭偶一筦軒冕讓朋輩敝帚吾家產由櫟需斧  
斤金沙待披鍊譬飮五侯鯖遑羨屠門弗如登太華峰  
培塿笑踉蹌壇坫遇大敵傾倒併蘇綰謂叔平方瞳洞癥  
瘕巨刃妙裁剗攻雲蠹墨梯退舍斷秦棧偏師勢莫禦  
望塵神慄僞質啗犬羊嚙文訝龍虎轡感君勤拂拭舌

橋目雙睨輞水清且漣探源循素瀆

謙齋每成一詩虛心下問不以予言爲謬用昌黎  
贈張籍韻在投次韻謝之  
方濬頤

滄浪論詩派剖別具隻眼要之以意勝興到乃操簡漢  
魏與唐宋奚云逕途限瑠瑤辱嘉貺誰誦我心赧涉獵  
原未深遽爾登仕版曹騰飲濁醪頗思覓清醜雕蟲自  
矜詡不顧夫子莞尺璧瑕掩瑜良工惜天產譬猶大官  
庖刀七亟料揀羹材選湘茱火候商炙弗畫家忌平直  
中康外喂嶮性靈匪塗澤百六陋張縮他山一頑石可  
以助削剗巨細諧八音烏能廢剝棧寸心得失知鞭策  
入毅憫願上師古人書城引長轡况逢君子至  
杜歌有睨鴻文恣無範汪洋隘灑澹

題襟館倡和集

卷一

五

示書局諸君子王治軒李賓虞郭堯卿莊希祖次

謙齋用昌黎韻

何紹基

行年逾古稀未缺口耳眼恃此炳燭光尙可照編簡慨  
從兵燹後浩劫已盈限老儒跡偶出武士色漸赧行省  
奉 廷議羣籍補錄版書局英彥萃餐錢耗琴箴偏尙

乙部書令我微笑莞從來聖經尊菑畬乃恒產傳注沿  
周秦未許妄剔揀一經苟精熟六藝歸毋弗修途循平  
夷自可陟巉嶮治絲先理夢優游致綽綰諸子百家說  
醇疵互剗剗經言發洪鐘項碎陋剗棧昔聞衛武公有  
邇勵瑟僊時年蓋百歲未敢怠一轡我愛說經士好音  
來睨睨所期集眾流河渭資灞澹

敬步子貞夫子見示原韻

王際相

弱冠游春明負笈荷青眼循循誨無倦大度容狂簡立  
雪未幾時踪跡雲山限筮仕來南服牧民色增赧矧在  
兵戈中顛倒持手板奔走日無暇廢書閣吟牋勉學試  
牛刀夫子或一莞惟恨瘡痍深惠人無子產都轉幸愛  
才金玉披沙揀書局集羣英古今資貫弗尊經禮大儒  
登岱小蹇崕寂手理琴絲端委令我縮我喜我師來茅  
塞日裁剗同受伯樂知驚馬伏舊棧卓爾示津梁道力  
堅且備不虞掃葉紛誰復憚覘鸞立教首毛詩成章華  
而皖河涓納羣流幸哉灞與漣

竹下作

何紹基

題襟館倡和集

卷一

五

初三手種竹竿十如迓嘉賓自前席初七移榻竹大笑  
今日主人翻是客酒杯茶具畧安置詩幃畫义生潤澤  
達官難距枉高軒韻士相從響游屐仰看十竹自親昵  
正氣干天可千尺風橫雨快勢飛舞月白庭空意閑僻  
憧憧往來果何事踏破蒼苔殊可惜此君高韻我不如  
藉傍清陰靜心魄

悔餘居士枉顧惠和拙詩次韻奉謝

何紹基

行年碌碌逾七十到處羣居許專席清燕堂前最開爽  
四面玻瓈照冷客悔餘樂府久馳譽千載名人被鮮澤  
題襟館主有殊契走卒詩筒不停屐新篇疊和忽到我

總紕成文廢刀尺好詩又挾雨聲來健步欲忘苔徑僻  
楮毫正要精力勁性情冑爲文章惜羨君才筆稱江山  
藻繡烟雲恣旁魄

戲柬夢園主人及謙齋叔平兩詩叟

何紹基

不扣自鳴鐘報十炎曦穿樹已到席晨餐得飽休擇味  
午睡方酣非距客夢回忽訝雨聲至瓦枕藤床皆潤澤  
主人邀客課詩苦隔院虛廊繞吟屐王郎磊落負奇氣  
許子溫敦有繩尺詞壇角勝有新意鑿險絕幽到奇僻  
見余老嫻謬矜寵勸說精神要珍惜烏乎吾豈受人憐  
拄杖鏗然震吾魄

題襟館倡和集卷一

美

竹下作次貞翁韻

方濬頤

題襟館前清燕堂足與先生安研席先生愛竹手自栽  
傳舍何須論主客瀟洒差令人免俗滂沱乃荷天降澤  
連朝颯爽快攤箋竟日婆娑忘蠟屐清風徐引睡鄉穩  
底用琅玕橫八尺座中佳士相周旋孰道此君性孤僻  
便作甘棠一例看爲語後來勤護惜淋漓寫出竹精神  
滿紙森梢動吟魄

眎謙齋叔平疊前韻

方濬頤

放開眼界胸浩蕩天真可幕地可席沈埋簿領心力罷  
輸與諸侯老賓客掉頭爭羨孔巢父折腰不慣陶彭澤  
逍遙津上一扁舟浮渡山前幾兩屐酣嬉跌蕩去俗態

禮法何須泥繩尺廬州三怪任人呼謙齋與徐毅甫朱  
之癡絕書淫情逾僻戲謂叔平要將文字託性命做帶千金  
自珍惜縑絲宛轉有鹿盧拾芥分明如虎魄

觀奕三疊前韻

方濬頤

海門李介之沈秋航僧後有周郎占此席邗上周小松近推國手

當其兩雄相角時寂寂無譁窳賓客播丸見諸淮南篇  
方者處高員走澤屢因病瘍不出門坐隱終朝怕着屐  
侵分得地圍若陣羅布周天量以尺白瑤元玉空眼飽  
清簟疏簾非嗜僻旁觀了然覺悟開韋曜徒為蔡頴惜  
一枰爭戰迄未休那如橘裏藏仙魄

擬築蜀山草堂柬謙齋四疊前韻 方濬頤

題襟館倡和集 卷一

毛

莫笑乖崖馳劍南未向希夷分半席前年買斷蜀山地  
迢遙又作炎荒客離垢常思劉蕙斐訂交罕遇畢隆澤  
蝨隱庵主寓書問疑我終難躡歸屐松菊就荒渺三逕  
風塵奔走勞七尺茲山距郭僅廿里君家西園境非僻  
君之先代思翰通政曾於山下築西園明年早為種龍鱗棄此鷄肋何足  
惜開福寺外把臂游雲影濤聲醉心魄

次謙齋喜雨五疊前韻

方濬頤

暑風吹雲不成雨之子渡江掛帆席緣何贈詩反逃社

陳半樵贈邗上題襟續集旋即往白門正欲招涼且延客曉起頻番睇聞

闔安得為霖符麗澤破空忽震阿香車衝泥爭挈阮孚  
屐昨聞肥津尙苦旱惟祝分龍勸下尺屏翳却走羲和

鞭韓孟才人好奇僻廣陵連歲慶有秋劫餘深荷穹蒼  
惜夜闌披襟不肯眠幾縷幽芬噴蘭魄

荅貞翁前輩六疊前韻

方濬頤

年過半百將六十疏慵難奪經生席獨於聲韻有微尚  
何幸重逢老仙客君家文孫好頭角

詩孫

四葉綿延風

雅澤涼秋曷不招使來大會蜀岡萃羣屐惡札祇堪覆  
醬瓿敢辱宗工量玉尺龍城飛將方稱雄狐穴詩人奚  
用僻差喜拈豪薄書簡聊同運璧分陰惜繁余仰止東  
洲山鬱勃輪囷壯才魄

調謙齋七疊前韻

方濬頤

君去安宜日逾十蓮花社裏鋪歌席風裳水佩齊嫣然  
題襟館倡和集

卷一

三

江上何來一狂客逍遙更訪縱櫂園

今改爲畫川書院

穹碑漢

畫捫滑澤六漫圃邊潮已退橫舟柳陰快著屐竹籬亭  
舍秀而野脈脈無言輟刀尺嬋娟生長珠湖濱略似枇  
杷門巷僻回舟珍重向我言墮溷飛茵同歎惜問君底  
事亟打槳良宵辜負琉璃魄

答謙齋八疊前韻

方濬頤

百千之能傲一十敢向騷壇爭此席性情諧際得深友

朝夕過從無俗客况君累葉多詩人戎馬馳驅珍手澤

君家先代十五種

就中墨春

軒富年草

俟齋節推

冰翠

詩集遭亂獨存

森然躡高屐

重規疊矩足

循守底用別求

堂名兩漢大

冰翠

令以此名集

金粟尺沈雄畢竟非羸豪奇境從知異生僻龜勉追蹤

古人後垂老蹉跎吁可惜相期其返小輞川涵養清虛  
風露魄

聞暖叟言有感次竹下作韻

王尙辰

同心能斷金異趣曾割席老顛風味故可人踵門當日  
無殘客輪蹄屢踏棧道危曷若疲驢乘下澤五嶽圖成  
臥遊好閉關休蠟看雲屐還須得酒數百船醉枕奇書  
高一尺草堂漁樵慣來往不著衣裳緣地僻有水可釣  
田可耕奔走風塵吾亦惜尻輪神馬乃寓言自采紫芝  
壯精魄

觀奕疊前韻

王尙辰

斧柯爛後少仙著後世紛紛爭此席駢羅列布善彌縫  
題襟館倡和集

卷一

无

各逞心兵分主客九泥劫斷函谷關萬騎圍攻鉅鹿澤  
縱橫百戰只一枰千秋齒冷東山屐勝固欣然敗亦喜  
得失何須較寸尺疎簾清簟暑氣消袖手旁觀意閒僻  
西南風緊莫多言此局全輸心暗惜以黑爲白雌爲雄  
默守元關抱營魄

喜雨三疊前韻

王尙辰

火龍瞞瞞噴毒日連夜肌膚汗沾席青蠅白鳥更憎人  
好雨盆傾驅熱客故鄉小別盼家書聞道三農猶待澤  
蜀岡西去六百里望雲屢踏登山屐肥津兩歲苦無秋  
高田苗髡低僅尺倘教此際仍不雨竊恐民生日多僻  
買田君亦愛吾廬日送飛雲同愛惜酒闌高枕喜安眠

月照松窗清夜魄

雨夜夢園出觀石谷山水冊四疊前韻

王尙辰

一雨招涼却絺綌雲影花陰潤几席炎官休沐火織收  
時有清風來速客開簾眎我石谷圖隱隱烟巒環笠澤  
此身宜置邱壑中一生能著幾兩屐昔年偶過平山堂  
江上青峰眺咫尺古人繪事吾不知眼前畫境殊幽僻  
焦先廬接米家庵買山無資良足惜還君此畫枕琴眠  
夢觸江聲靜蟾魄

答峻叟先生五疊前韻

王尙辰

我生行年逾四十騷壇未能分片席晚近欣逢老斲輪

題襟館倡和集

卷一

三

題襟館內同爲客望古徒存尙友心遺編恪守先人澤  
眼前富貴浮雲耳收取山川入吟屐性情醞釀胸次開  
時覺心苗生上尺偶然得句愛傳寫漫謂雲龍矜怪僻  
久知名士同畫餅閉戶還須寸陰惜課兒補讀少年書  
買醉江湖羞落魄

答夢園六疊前韻

王尙辰

詩人年多逾七十

謂蟻

風雅尙留吾輩席東南壇坫又

重開更喜使君能好客千鱗得水暢生意萬木逢春涵  
潤澤東洲下榻本通家我亦過江暫停屐偶然游戲翰  
墨場日課一詩卷盈尺縱橫筆陣興馳騁運事休嗤獺  
祭僻鯁生聲名苦未成餘論齒牙亦何惜湘中皖北兩

詩雄壁壘森嚴懾心魄

與叔平話舊七疊前韻

王尙辰

十三樓址今已墟舊是當年歌舞席雕梁雛燕故泥人  
畫舫文鴛翻避客青溪九曲六朝山秀潤螺鬟膩芳澤  
倚闌愛種芙蓉花載酒爭停黃葉展雲容雨態幻迷離  
銀漢無聲天咫尺多情瘦月照蓬蒿驚起啼烏怨荒僻  
蓬山一別渺千里良會蹉跎君亦惜墜歡嘿憶定情篇  
珮影斂聲蕩神魄

次暖叟竹下吟韻答巖使並謝酬詩書扇見贈

許奉恩

江城雨過暑氣清晨起嫩涼生硯席拈毫戲仿洞冥志

題襟館倡和集

卷一

三

刻劃山精與木客時督人鈔寫里乘新詩脫稿辱示我神韻天

然謝塗澤邗上題襟昔稱盛觴詠流運萃裙屐南城去  
後近百年更誰品藻持玉尺主持賴得賢使君別裁偽  
體擯怪僻珠璣枉贈什襲藏出入摩挲自珍惜從游甚  
樂愴忘歸一任枝頭啼蜀魄

疊韻呈暖叟

許奉恩

先生讀書破萬卷博雅何難斂戴席先生行路越萬里  
探奇五岳勝謝客扁舟一櫂獨往來遠涉江湖別湘澤  
塌來邗水挹清芬願爲執鞭復攜屐老筆蒼遒書擘窠  
額署題襟字盈尺使星早歲照邊徼採風不肯遺鄉僻  
聲名藉甚傳鷄林寸縑片楮爭愛惜起衰文教賴昌黎

隻手障川雄氣魄

謙齋以觀奕詩索和三疊前韻

許奉恩

王郎伉爽才不羈雄踞騷壇誰抗席天教郊籍生並世  
聯吟同作昌黎客門博君奚讓陸澄借書我懶效闌澤  
偶然觀奕忘得失有何色喜齒折屐黑白昭昭判兩戒  
得寸則寸尺則尺疆界最好爭中原割據詎有遺偏僻  
先後一着繫成敗冷眼坐視增歎惜縱使陣從壁上觀  
亦自驚心兼動魄

和醴使喜雨四疊前韻

許奉恩

連朝歎蒸苦炎熱獨眠難免汗浹席閒雲油然忽出岫  
欲雨枝頭鳩喚喚客須臾萬珠破空至潤物涓滴皆甘澤

題襟館倡和集

卷一

三

父老歡呼賀天貺行沽村醪巷闔屨萬壑泉流送清響  
方塘水添兩三尺當風遠聽田歌聲幽棲頗愛園林僻  
予居署中題襟館後殊得園林之趣使君成詩嘿志喜蒼生一例歸軫惜

晚涼庭院快把瓊玉壺調水濯吟魄

連日編夢園書畫錄歷代名畫美不勝紀卽三王

而論亦近世罕有爰五疊前韻以誌眼福兼呈

醴使

許奉恩

乾坤何處非畫圖歷朝名跡羅几席就中近世推三王  
石谷圓照與烟客牛腰卷子真壯觀氣象蒼茫寫山澤  
神妙全仗閱歷多不知踏破幾兩屐遊覽歸來縱筆揮  
萬里何難縮咫尺麓臺晚出得奇趣主人兼收嗜非僻

物聚所好得不易世世什襲當寶惜  
魚生眼福足驕人  
竟日墨香盪古魄

感舊苔謙齋六疊前韻

許奉恩

青溪九曲如迴腸難忘金尊酣綺席銷魂最是酒闌時  
昵語留髡先送客繡幙圍春燭搖影半醉模糊泥薺澤  
一夜風香茉莉開曲巷不停賣花屐管絃近水聲移情  
雨過新潮添幾尺畫舫輕划悄叩門桃源路熟徑非僻  
滄桑劫後詞人老斷紅零翠空憐惜誰似姮娥常少年  
冰輪宛轉哉生魄

題都轉寄傲圖七疊前韻

許奉恩

先生作詩追古人一時餘子齊避席偶然拳石科頭坐  
題襟館倡和集

卷一

三

瀟洒不同箕穎客請誦今是昨非歌

用自題詩意

前身或者

陶彭澤當年采菊東籬下送酒人過齒印屐身無媚骨  
恥折腰愛撫孤松高百尺南窗閒倚思羲皇雅致由來  
異堅僻嵇君寫圖得大意我爲摩挲生慕惜晚節期爲  
韓魏公老圃秋容壯詩魄

題都轉蜀山草堂圖八疊前韻

許奉恩

蜀山葱蘢秀且奇結廬好割地一席他日宦成賦歸隱  
謝絕門前車馬客子孫濟美能讀書光大門閭紹先澤  
芥拾青紫眼前事草堂屢折謝公展長君遺榮侍庭闈  
子弟紛紛就繩尺婆娑歲月心自娛嘯傲烟霞性非僻  
三世一門盡風雅掌上明珠尤愛惜根深葉茂古所訓

虬松千年孕虎魄

夢園主人四疊暖叟竹下韻勉和一篇為題襟館

紀事

何棡

儒林文苑分兩門藏室名山爭一席精神去後文字留

等是郵亭題壁客題襟新館德星聚頓覺四壁生光澤

金谷開筵門粥糞鐵崖問字聯裘屐主客皆好素茹暖叟尤嗜馬齒莧自

暖叟至問字者絡繹不絕書家譎體訂毫芒說文為叔平家學暖叟辨析尤精樂府

新聲叶工尺徐壽衡侍郎在杭州鎮院取暖叟詞命笛工奏之指下拈來皆好

語不勞隸事搜奇僻眼前坐對皆好友隻字單詞互珍

惜涉世惟須真性情傳世更憑真氣魄

暖叟次韻見荅再疊原韻奉酬 何棡

題襟館倡和集 卷一

詩

作文須輦三千縑說經屢奪十五席書從正變譜源流

詩以聖凡圖主客久欽風采望龍門忽覲星精降鴻澤

虹月飛來米老船烟雲留住坡仙屐好酒猶能舉三雅

刻集已經高一尺古歡惟恃性情真絕詣端由神志僻

徐公通介與俗殊賈傳浮沈為時惜同氣相求自不誣

拾芥有時來虎魄

立秋後三日招暖叟謙齋叔平讌集瓠園三疊前

韻代柬

何棡

江雲可攬對起樓海月相望思挂席此邦淹滯垂十秋

山川是主儂是客自憐羈旅得安居猶賴詩書借餘澤

止水差堪當一鑑小山何足勞雙屐名流寄跡清燕堂

距我園居才咫尺秋氣吟來饒爽健市聲隔斷偏幽僻  
人境雙清及此時有酒不飲真可惜閉門獨樂豈無人  
笑他索莫猶欺魄

盆松用賓谷九龍澗古松韻仿何范體聯句

突兀一株松旁列一拳石輪囷鬱盤錯中藏太古色項  
折腹膨亨飽經苔蘚蝕風雨驟然至仿佛怒濤激託根  
在盆盎敢厭塵囂逼倘置雪山巔寒光通月夕大厦要  
支撐待補乾坤隙謙齋樗散任朽蝨蝨局寄荒僻乞來盈  
寸苗幾時尺論百蒼蒼偃蓋陰徧覆蜀岡脈念此千霄  
姿厖將坏土植直幹或礙簷橫枝每觸壁咒鉢龍已馴  
在笵鸞苦厄大材詎可羈拘居尙標格六登于昌不見

題襟館倡和集卷一

羞

萬壑中擎雲聳奇特屢遭斤斧尋罕遇工輪擇偉哉五  
大夫垂老受秦職如何束縛之俗眼太無識貞心抱彌  
堅差免爨下惜羣英孰儕伍後凋全汝德園官善培養  
勝彼岩阿匿寄聲支離叟入世毋迹子箴

題襟館倡和集卷二

古今體詩共一百四十三首

贈漢卿用山尊先生喜蘭雪至韻 方濬頤

雨風將客至簾外喜蹙然約畧師中隱判留度小年樹

栽園十畝山枕郭西偏君築養志園於西郭外甘泉山在其後試展耕烟

畫觀予近所得石谷仿巨然長江萬里圖卷教人憶老顛玉谿藏石谷畫冊最精

小阮新符綰令姪少湘將之海州分司任團團慰旅情高風竹林繼

鄉夢海雲橫學道才能歛捫胸氣已平羸提精舍闢一

笑外緣輕

王尙辰

兀莽殊時趣踈狂轉自然眾中曾一面別後條經年養

題襟館倡和集卷二

志貧甘隱浮家地更偏會當策疲蹇同眺蜀岡顛

宦海驚風浪鷗魚狎世情酒懷緣病減山色隔江橫背

郭柴門遠環村野水平偶然入城府一棹晚烟輕

許奉恩

鎮日貪聯句君來更快然相逢各一笑不見忽三年雅

集天初霽幽棲地不偏但期頻過訪角勝寫毫顛

使君今永叔品藻劇殷情酬唱羣賢集評量萬軸橫逸

才契摩詰謂謙齋俗狀愧宣平勁敵得吾子千秋敢自輕

次韻答子箴都轉及謙齋叔平 于昌遂

家貧緣久宦進退總徒然潘岳猶借隱崔駟枉損年賣

珠茅可縛行藥地宜偏朝夕依懷袖萊衣喜欲顛

熱風吹雨斷官閣動吟情野服粹然至高談逸趣橫檐頭殘雨滴郭外濕雲平莫賦反招隱脩脩身世輕

同夢園食瓜口占三截

王尙辰

衙齋道暑共嘗新一片冰心映暘人客裏回思鄉味好  
年年徧餉草堂鄰道遙津瓜味極美  
熟時先餽四鄰

園官走送滿筠籃百尺青絲浸釣潭日午庭槐消暑氣

晶盤薦食笑分甘每歲薦新後率  
兒女輩共食之

入口寒霜濺齒牙傾筐翠色喜交加羽書早奏西師捷

戰士應嘗哈密瓜甘省屢  
有捷音

次韻謙齋食瓜口占三絕

方濬頤

遺核崆峒四劫新俯看赤縣笑無人邱處機詩赤縣  
何人購得嘗神

題襟館倡和集卷二

二

仙一樣思消暑願學梁亭灌楚鄰

道旁鼻選待傾籃魚化防佻入釣潭三白瓜名產  
吾鄉真堪

傲蒲鴿丹瓢不及密房甘

莫漫灣頭轉枕牙君將有寶  
應之行消除熱念道心加人間難

免楊諳謗貧士紛紛解市瓜

題曹雲西山水卷用張東海韻 方濬頤

元四家外獨出奇波光帆影中有詩想其胸次絕曠逸

天然清潤無肥癡得魚沽酒大自在平坡莫教下從遲

扶筇客來亟埽徑樓頭萬軸看陸離

王尙辰

雲西胸中山水奇筇冠草服耽延詩畫蛇自憐身世拙

呼貓愛學前人癡白雁不來秋色老遙天日落江光遲  
素交更隔茆峯外謂句曲外史徒倚空亭寫別離

許奉恩

下筆能爭造化奇居然一軸無聲詩見說家數宗董巨  
或者自命空迂癡江邊鳧戲漁歌晚天外雁歸帆影遲  
遮莫紫芝懷舊侶披圖幾度感將離卷中有俞紫芝題  
詠謂與雲西舊識

題唐子華勒馬聽泉圖用卷中吳郡張代韻

方濬頤

冷楓烏回如火燃明霞倒浸瀑布泉一客峩冠一椎髻  
偕遊迤邐山蹊間晴空忽訝天漿流雷硯震關巖洞幽  
側耳並轡行不得商飈况復鳴高秋羊求作侶溷仕隱

題襟館倡和集

卷二

三

爲貪絢爛霜中景重以笙簧琴筑喧盪滌塵心詩骨醒

萬峰盡處松杉青丞哉筆墨何通靈子華官休甯縣丞湖山清

遠繫鄉夢子華吳興人方思肥遯希湛冥水晶宮裏王孫畫

渲染磬頭能入化此幅居然衣鉢傳比似鷗波不相下

王尙辰

火雲燒空樹欲燃畏暑不去登甘泉披圖使我開心顏  
此身恍置峰巒間蒼涼滿紙雲氣流小橋窄徑潛通幽  
古木騰拏狀蛟蚪一人散轡來尋秋一人並騎如偕隱  
掉頭疑詢山中景蕭蕭紅葉亂泉聲到此應教塵夢醒  
平遠湖山數點青何時歸乞草堂靈懸知撥墨添鄉思  
悟到仙心入杳冥鷗波宗派倪黃亞劫灰不共蟬魚化

名位當時厖一丞自來畸士居人下

許奉恩

薰風噓拂榴花燃讀書消暑烹清泉唐丞此卷最精妙  
用意乃在倪黃間是誰側耳臨清流並騎蹠躩山之幽  
水聲涓涓滌塵想滿林紅葉霜天秋圖中一仕復一隱  
紗帽科頭各異景聯吟恰好奇句覓雅游或趁宿醒醒  
瀑飛界斷嵐光青濺珠亂迸驚山靈遠岫雲歸野水淨  
放眼萬里空蒼冥無聲詩寫有聲畫筆底神奇腐朽化  
寶米齋中什襲藏應賀魏公得門下

子華畫宗  
趙承旨

奉和子箴都轉贈家叔漢卿韻

文登

于寶之

少湘

題襟館倡和集

卷二

四

片雲天外至纔作便油然好雨來官閣薰風樂有年私  
心猶憚暑浩澤本無偏此後欣榮木羞同柳絮顛  
臣叔書中癖明公物外情詩脾足酬唱文律辨縱橫鶯  
爲遷喬出鴻占得桷平不因風遇順誰信羽毛輕

題唐六如鍾馗捕蟾圖

方濬頤

紆青挖紫令僕雄墓癡蛤霸從同同張口食月一目矇  
聚而請雨聒吳穹噓氣竟成水上虹魑然天使來堂中  
曰帝命作平章公老馗聞之怒瞠視無理取鬧乃如此  
背劍執笏長嘯起問汝本田父胡著錦襖子竹枝弔汝  
足倔強便磔死誰欺圖者六如居士鼓造辟兵翻遇兵  
終南山人南食矣

題錢叔寶鍾馗折梅圖

方濬頤

一鬼奉瓶躬也鞠一鬼彎跽供踏足更有一鬼登梅顛  
拗折花枝形骸翻身向天舉手接亂舞寒香到眉睫  
凌波仙子開笑靨梅樹下策蹇尋梅曾有圖梁楷所作錢生  
見此放悲無高驪使者風雅徒畫右有朝鮮安岐珍藏印攜歸淮東  
返淮浦奇情幻態詩翁娛我知茶壘偕避鍾進士水天  
月下鶴夢遽然蘇

題金冬心醉鍾馗圖

方濬頤

昔耶居士好游戲何處得見鬼伯睡靈均獨醒罕與伍  
大千世界同一醉老馗啖鬼如啖螯饞口流涎香撲鼻  
手揮鬼去便開甕長鯨吸川絕橫恣曹騰趾離默相導  
題襟館倡和集卷二

五

酒國逍遙無所事風趣宛然單吏部戟髯枕面笏墮地  
十三圖外初此圖原按記吳道子以下凡十三圖各異狀以酒作畫出新  
意原跋云予用禪門米叶和墨吮筆寫之閉目亦令虛耗驚乃公雄拔槽  
印幟

題奚鐵生鍾馗吉慶圖

方濬頤

我有青藤吉慶圖不兒山僧兒童子師其意者鶴渚生  
獨畫終南鍾進士吁嗟鬼國方稱雄羅刹書闌天夢夢  
以人制鬼鬼不畏還須仗汝殲羣凶終南進士食鬼盡  
拋除巾笏山中隱倚床擊磬跣一足小妹隅坐將線引  
阿兄歸家樂可知四境以內無魅魍河海清晏神人熙  
鳴球從此罷鈺鼓妙扼諧聲一寫之

許奉恩

佩劍狂笑掀虬髯捕鬼何妨兼捕蟾汝本蛙族井底坐  
出井教汝觀天大三足倒貫青竹枝不脫錦襖傲玉芝  
六如居士戲吮墨老趙哲學劉相國

俗有劉仙  
戲蟾圖

枯柯漸甦陽氣回偶尋鬼趣同折梅一鬼承足伏塵埃  
一鬼捧瓶左右陪一鬼猱升枝獨擎雪後園林賴渲染  
筆底錢郎善寫生天地心藏春數點

滿紙淋漓作酒氣鬼伯貪杯忽酣醉十石囊罄玉山頽  
酡顏膏騰抱甕睡側身面地鬚怒張鼾聲雷震羣鬼避  
冬心推陳獨出新古今圖中第十四

舊鬼哀鳴新鬼應飽啖不使噍類剝離亭血飲魑魅淨  
題襟館倡和集卷二

六

跣足科頭閒擊磬阿妹旁坐淡粧靚含笑拈鍼側耳聽  
老鐵善頌不嫌佞會意諧聲代吉慶

王尙辰

老蟆上天磔不死千年科斗繁生子墨水瀾翻巧化身  
引來種類拖青紫努眼瞞腹作鼓吹終南山人聞之喜  
已將蒲劍斷么魔更借皮囊伸一指五月五日桃花庵  
爛醉流觴呼不起戲塗金色鍊汝形撒手妨鑽蟾窟裡  
斗室光寒幻月魄鬼趣蕭然生素壁中貌一人岸短憤  
戲咒花神驅鬼伯銅瓶汲水勤拂拭小語啾啾凍蛟脊  
朔風吹衣花四布昂首掀髯頻笑索終南山下萬木僵  
踏雪歸來尋舊宅灞橋經過莫揶揄嚇倒苦吟驢背客

華清宮中玉狸醉沈香亭畔猪龍媚汝陽下殿左相避  
賜酺五日三郎憤謫仙市上眠飯顆甘憔悴南山進士  
有心人溷跡糟邱蒙面睡判教一夢老金天圖向世間  
驅鬼魅

桃符換新鏡吹作萬戶千門競歡樂移家小妹亦歸甯  
吉語喜隨清磬落徒倚木床跣一脚自哂此身無住著  
今年鬼國慶蕩平好爲阿兄拈線索金鐘大鏞播韶護  
袍笏酬庸糜好爵畫像終當媿麟閣

題昌辟疆姬人畫冊

沈歸愚跋云二十頁今僅存其半

方濬頤

微禽亦有知心乎此君愛雪天萬木凋介節與松配雙  
題襟館倡和集卷二

七

抱青琅玕不露號寒態

疏篁呈寒雀

拒霜生秋江人誇好顏色韻絕水繪圖鏡臺閑吮墨霞

綃屏弗御容華深自匿

墨共芙蓉

分明黃金杯幻作烏玉瓊戎葵非一族秋圃推上選看  
畫當飲酒此老興不淺

墨秋葵 辟疆跋語云然

寫出水汀勝依稀小石潭輕儵隊隊過花笑魚意慙何

來紅蜻蛚唳葉如蜂貪

蘋花戲魚

月丹是豪客是豔霜雪中號爲兒女花調侃蘇長公俄

頃回春陽弱挽居然雄

設色山茶

白帝傲東皇能將葉作花異哉草中仙豔如桃李葩誤

引玉腰奴趁風雙翅斜

老少年

天孫淚所染青士應見憐菊婢更嬌好美姿拳石邊秋  
螳解戀花昂然奮臂前

竹石牽牛秋海棠

我有爇齋卷儷蘭得神似瓊閨一枝筆仙乎真具體南  
田尙推重豔福妒公子

墨水仙

寒塘不並飛紅衣眇儷侶多情堤上柳飄颺縮離緒雲  
黑雨將至過歸時盼汝

秋水文鴛

歲寒此尤物坡谷易名蠟  
合膽瓶清供宜濃香浮几榻

本名臘梅天竹

許奉恩

種竹兩三竿經冬色逾翠森梢鳳鸞尾何曾有雪意幽  
禽棲一雙靜好如伉儷比翼欣有託且學鴛鴦睡

疎篁

題襟館倡和集

卷二

八

寒雀

桃李鬥春豔芙蓉何太遲遲暮休自怨得氣各有時三  
秋風日佳搖曳江之媚文君色姣好底用塗胭脂

墨芙蓉

芙蓉

厥類異苾芩中央色無匹吉貝肖其狀薜華肖其質幽  
閨戲寫生墨香吐芬蕊託根在籬下亦自心向日

墨生秋

葵

寒潭千尺深晶晶清見底蘋花媚幽姿鏡照一奩水白  
小不盈寸狀肖科斗子唆沫爭落英遊戲大歡喜

蘋花

戲魚

松竹盟歲寒相埒惟山茶居然不改柯屈強冷着花紅

情莊且麗鶴頂渲丹砂賞心占得朋耐久更可嘉設色山茶

江湖雁初來秋色矮籬補爛漫錦西風小草窳芳伍一蝶誤尋香梢頭飛栩栩顏童髮未鶴神仙不及汝老少年

海棠如織女相對怨離別牽牛咫尺間銀河愁隔絕匪石心不轉倚竹自淒切秋風年復年脈脈那可說竹石牽牛海棠

女史畫女兒水仙亦名女兒花貌合神不離空靈一縷墨活現凌波姿洛妃搖珮環烟水痕渺瀾白描善寫照或者藝齋師墨水仙

題襟館倡和集卷二

九

鴛鴦七十二同命皆成雙如何有別離水面孤迴翔苒藻左右流柳絲蘸橫塘日暮碧雲合引頸待文鴛秋水文鴛

朱實偕黃英水天能耐冷相依一卷石崢嶸添暮景遙想水繪園羣芳齊管領妃青與儷白公子故豪逞用冊中辭疆白題意天竹黃梅

王尙辰

夢墮影梅庵庭空獨倚闌竹枝驚凍雀似語妾衣單疎篁寒雀

儂貌如花瘦玲瓏水露中無心對脂粉寂莫向西風墨瑩芙蓉

一洗霜華重秋光寄短籬此心常向日孤露問誰知

秋葵

風約波紋活蘋花暖散金水香魚暈子蓮葉有同心

花戲魚

秋容翻賦媚翠翠並朱朱漫笑徐娘老翻嫌王白鬚

少年

露零天水碧浴罷晚粧紅倚石將誰待三星戶未中

牛秋海棠

醉起珠簾捲紅芳豔晚霞榴裙羞解帶妬紋女兒花

色山茶

一唱迎神曲兒家惱若何黑雲飛一片欲渡怯凌波

題襟館倡和集卷二

十一

水仙

照影菱花鏡飛飛傍浣紗生來多豔福今夜宿西家

水文鴛

水繪詞人老瓊閨妙墨香珊瑚堪結珮好試漢宮粧

梅天竹

耘樵書來說今年製醬更勝昔年又知余須白醋

將手造見惠先以詩謝

何紹基

賈侯餉我百益膏寬中填髓壯腹腰服逾百日健游出

年禮

酣眠飽啖忘厥勞君方秉憲察百吏蠲瘼平瀦俸蘇臬

州人

官衙雅有田舍樂雁鴛散後如衡茅後堂筭珈我桑梓

年禮

蘋藻敬潔馨遊椒兩家婦子過從熟時亦來醉

金獅橋兒孫環迓恭祖舊奉手負劍從慙嬌蓬頭椎髻  
競趨走輦蔬甌釜同鏗敲嗟余慙出乃忘返伏暑且向  
邗溝銷主人官清職煮海隻手難把牢盆牢虛堂款客  
果清燕銅槃肉食供老饕書局藉掩素餐媿談經先叩  
河間毛邠風鬱奠已難攷况詼鼎鼐稽燔炮老來嬾慢  
獨酌慣野菜日費園官挑買侯書至厚存注惟恐旅饋  
艱和調從來酸醎有正味醬紫醋白何可淆難得尊閨  
自湛熾和羹分惠澤我枵嬰甄何日剪江至海潮一線  
橫金焦

次貞翁前輩謝賈耘樵

益謙

廉訪書來將製醬醋

見惠韻

題襟館倡和集

卷二

十一

方濬頤

夜飲不廢黃金膏卍竹一枝健脚腰豈惟穿破鐵門限

酷暑弗辭鉛槧勞

時方校勘十  
三經註疏

憐余病瘍日過訪三旬

條已逾畢皋周湛轉運媿弗若累民竭蹶輸薪茅官厨

草草乏嘉簋肥臙到口思橙椒爲言愛啖買侯醬呼奴

提挈來紅橋苦酒祇應白於水漫誇色比桃花嬌潤州

太守苦搜索

蔣鶴莊寄來  
醋仍不佳

詩料未足遲推敲八珍主人

食單冠腥羶之氣全融銷秀才家風老猶戀肯卑蔬筍

崇椎牢先生所耆本淡泊以官爲戲吾饕餮昨朝持書

發豪興策功獨讓中山毛宜涼必俟雷後作毋令蚬聚

精煎炮雙鬢渡江圖可繪奚煩觸熱肩頭挑庖丁聞之

亦私喜甘酸美備南烹調禮經無難醢醬辨漢學那至

醢醋淆葫蘆枸杞梅橘芥數典幸免詩腸枵伏陰在內  
薄滋味灌溉靈液通三焦

夏日卽事題雙巽渡江圖敬次大父寄賈丈詩韻

道州何維樸詩孫

金閭六月無雨膏湖田新稻方齊腰大府率屬禱以步  
憫農念摯忘其勞連宵雲氣頗濃厚清風習習穿林皋  
疏點偶敲院前竹晨曦又滿屋上茆吾廬幽僻罕人事  
雖在城市同山椒一樓當風且得月數家臨水還依橋  
耘樵丈人屢存過牽衣穉妹憐慙嬌豎水渡海寒力退  
稜稜碎玉鍼可敲衙齋清供有分惠虛室炎塵先避銷  
賈丈饋水測聞京師苦霍潦鍊石誰補天根牢比年黃流復  
題襟館倡和集卷二

三

橫溢禾稼半飽魚腹饕東南轉輸竭民力如穿魯縞漂  
鴻毛菜色誠教偏廬井高堂何忍羞燔炮丈人職司秉  
風憲安民察吏肩能挑餘事商量到醢醬鹽梅氣味相  
和調使宰天下亦如此事殊理亦無紛淆雙巽渡江入  
圖畫豈徒澤潤詩腸枵行見甘霖千里沛快浮揚子看  
金焦

雌虎行

方濬頤

於菟爾何仁不猛樊籠伏處繩繫頸健兒豢養殊殷勤  
以虎市錢亦徼幸虎城寂寂曩過之眼中所見惟羸比  
曝書正當六月六斑奴來自湘江湄是雌非雄幾類豹  
纔離虎母學騰躡蔽天火織正赫炎忽地清風吹稍稍

不射死虎捉生虎解甲還鄉餘勇買云獻元侯却弗受  
見人帖耳虎色沮斲貓麋狗各異呼小空曾爲善覺圖  
陰騫之陰易馴擾楚天月暈星流樞吁嗟那有食牛氣  
得毋俵鬼楊梅醉山君驅汝下山去且向人間作虎戲

許奉恩

柙虎過市馴不猛市人觀望爭延頸俯首帖耳絕類狗  
雌伏毋乃虎不幸虎人挾虎將何之長繩束縛如師比  
自言入穴得虎子由楚下達邗江湄虎生三子有一豹  
此虎肖豹善超趨再拜稽首解人言閉置終朝豢芻稍  
戲鼠戲猴此戲虎居奇斂錢勝良賈一生温飽聊自娛  
辛苦耦耕笑溺沮虞吏斑奴任所呼袒裼相搏手敢徒  
題襟館倡和集卷二

三

王尙辰

旋風吹塵昏九衢喧囂人海趨迷途誰將柙厭雌於菟  
迫窘不異羊與豬吞牛壯氣胡爲乎山君儼同鳳在笱  
尋常貉子不敢過今日野鼠銜其鬚回思眈眈強負囑  
憑威摧折金僕姑五陵年少盡辟易何乃受辱於僮夫  
毛如縮蝟狀如狗牙豁爪秃睛模糊低頭安尾不復振  
大勢一去俵鬼逋南郡無雄檻難出白門縛布丐少徐  
見人翻怯太顛倒更無顏向熊羆羆上林園中景風扇  
百獸率舞隨騶虞西洋狻猊交吐象飽食祿米閒嬉娛

孤負梁鶯豢養力咄爾空具般般軀放棄山林猶莫保  
蓑衣高義今豈無蓑衣高義今豈無道逢人虎心躊躅  
黃勤敏公竹筆筒歌為夢園方伯作

儀徵汪 盞 硯山

我昔讀公紀歲圖

公自繪歲朝圖凡歲暮餽贈之物及所見花鳥食品無不羅列每歲暮必

題詠公自謂畫年譜爛漫五色雲霞鋪又見赭山登高卷  
公與門生王子

御太守登高公作圖子卿有詩

白頭師弟相招呼惟公手跡不易得

之寶重逾璠璵文房珍玩更罕有翩然青士登座隅鳩  
茲城郭幾榛莽此物獨有神持扶名人規製假名手意  
匠自與庸工殊澀勒磨將牙節盡侏儒挺立腰圍粗毛  
君一族有歸處想見擲筆如投壺高不盈尺徑四寸能

題襟館倡和集

卷二

十四

容水範兼山模營邱棧道不易畫豈料鐵筆工鉤摹蠶  
叢羊腸宛在目三五策蹇爭途趨深林密箐夾巖壑豪  
芒刻畫非模糊尚書老去興不淺鐫名豈為它人儲計  
年似在餞書後

尙書致仕先送書數十車

不復珥筆聽

鳴琚綠沈翡翠堪作伴未隨繭紙歸泉途一朝流傳到

邗水價高市肆驚庸愚劣崩旁映虎頭壁摩挲不啻驪  
龍珠藉公高唱發奇采蚓吟亦當牽連書

黃勤敏公竹筆筒歌次汪研山

盞韻

方濬頤

我藏九日登高圖七賢揮翰雲膜鋪又讀左君壹齋集  
懋勤殿上 天子呼如椽之筆擅三絕寶貴無異球珍

瓊前輩典刊遠追滌遺編具在思反隅劫灰零落五千  
卷公兩朝恩賚記賜書 隻手孰把頽風扶文房散入

廣陵市摩抄豈與裘鍾殊皤腹能容管城子徑圍尺二

琅玕麤款鑄甲申京邸物公尙入直棲蓬壺太和瓦研

巧相伍豁開心孔窮描模公太和官瓦研歌云有時心孔開描模山水姿是時

公年七十五笠屐待學東坡摹次年翩然遂初服不向

食筍齋中趨人海歸航筆屢試古桑書屋重抹糊竹筒

有六大小別詩注見公貪多塊視金玉儲詩意公鰓生獲一已

云足招隱誓反王康琚惜哉垂老昧八法耽吟作草愁

雅塗楚弓楚得竟成識公詩云楚弓而楚得何待百年下邠原非復西

家思芷岩丹青妙入古筒上雕闕山行旅圖係仿李營邱筆意款署芷岩遂教

題襟館倡和集卷二  
買櫝還其珠檀心堅栗此君友製銘者誰梁同書余舊有紫

檀筆筒為山舟學士故物鐫銘筒上黃勤敏公竹筆筒歌倒次儀徵汪研山茂才均韻

筒上刻棧道圖仿營邱筆意王尙辰

吾皖曩數黃尙書九天咳唾成璣珠螭珣珥筆邀睿

賞耄年名位偕歸愚于湖結茆賦招隱飄然笠屐還當

塗中朝朋輩富投贈壹齋公詩集名心賞珍瓊据平生妙技

擅三絕圖書鐘鼎兼收儲筆筒刻畫絕精巧錦囊什襲

光漫糊寶米齋中得此物一朝傳玩名流趨豆人寸馬

勢飛動層巒疊嶂神追摹定須蟬翼搗萬紙惜無瓦研

形同模公有太研文房位置匹四友飽研墨汁傾金壺綠

沈漆管乏清趣珊瑚作架嫌豪粗人海歸航名公齋境已

渺鳩茲風景當時殊淋漓椽筆推巨手眼前大雅輪誰

扶想其胸懷恣旁魄收取棧道天西隅吁嗟小物信可

寶琅玕温潤同璠嶼知君嗜古抱奇癖狂奴欲奪空曠

呼摩抄長夏劇忘暑簟紋掩映清光鋪秋風忽催歸棹

去赭山為覓登高圖公有自作赭山登高圖

黃勤敏公竹筆筒歌次汪研山鑿韻

許奉恩

曩觀齋中棧道圖夢園書畫錄有關中王子佩棧道圖雲烟蒼茫滿紙鋪

筆筒拓本乃亦爾傳觀擊節羣歡呼此筒舊為壹齋物

物以人重同球璵聚散有時難預料一朝忽至邗江隅

題襟館倡和集卷二六

都轉公暇精鑒賞大雅隻手將輪扶網羅書畫盡名跡

得此亦與眾製殊苙岩特訪李成畫筆法工細頗不粗

關山行旅巧刻畫款錯關山行旅圖仿李營邱棧道圖筆意世界不隘壺公

壺征夫策馬走劍閣神情一一循規模雲樹重疊村舍

遠八法大意窮追摹我昔浪遊西入蜀蠶叢鳥道曾攀

趁諦視此圖指老眼風景畢肖非含糊畫筆鐵筆技雙

絕寶玩堪付文房儲黃公翰墨世所重片練寸楮皆瑛

琚早掇甲科躡清要晚辭軒冕儕泥塗即此微物見意

匠經營慘淡甯迂愚使君誼氣重桑梓珍藏如還合浦

珠冊勛世世賚爾爵子管城子君中書

題冬心畫冊

方濬頤

桐稀竹瘦秋漸深門外一渠清道心老孺廢書但枯坐  
躊躕覓句無人和靜裏工夫學禪課

千竿萬竿翠篔簹千葉萬葉紅蓮塘團焦新築水中央  
陣陣香風引人睡醒時呼取碧筩醉

紅牆隱約烟中寺四松各有參天勢咽住寒濤待僧至  
我知剝啄屢不應晚鐘亂敲塔上層

柳絲低垂蒲劍轟平湖迷漫漲新絲一人箕踞一掉舟  
舟前泛泛忘機鷗問爾釣竿何處投

茅亭溪上聲鶻颺有客欲去仍遲留黃葉多情打衣袂  
負手跂足空傲睨悄然獨立動詩思

沈沈夜雨樹如墨風送一鉤斜月出銀蟾宛向波心匿  
題襟館倡和集卷二

戴笠扶筇彳亍行側耳徐聽蛙鼓鳴

七

山榭一株紅似火寒蘆瑟瑟撐漁舸奔湍飛箭直到門  
無多墟落三家村野色蒼茫天欲昏

許奉恩

空庭澹夕陰默坐渺塵思孤桐數竿竹蕭森釀秋氣

水心一角亭萬篠綠篩影爲貪自在香不覺詩魂冷

突兀四株松當門若護法歸來信手敲白雲穿布衲

岸柳舞婆娑扁舟蕩綠波一鷗如接引側耳聽漁歌

孤亭圓似笠徒倚動詩懷怪底溪雲暗西風葉滿階

樹陰如潑墨纔過陣頭雨秋月忽照水雲開一鉤吐

霜葉抹朝霞茅廬野水涯莫嫌秋意少兩岸作蘆花

道人感秋索吟侶空谷足音渺何許笑睨孤桐心自語  
暝色下檐寒作雨

嵇留山民慕晞髮鼓腹徜徉脚不韞荷香隔斷萬紅塵  
睡覺尙嫌天地窄

抱管魄兮息野馬兀守屠麻茅一把秋空眾籟寂無聲  
風葉隨人自上下

團蒲坐斷精業白在家出家等過客門前手種四松成  
雲影濤聲定心魄

有客忘機狎鷗鷺釣罷扁舟橫野渡柳陰何處鳴漁榔  
回看斜陽低挂樹

題襟館倡和集

卷二

六

青山缺處襯紅葉雲錦霞裳鋪萬疊蘆葑環抱有人家  
尺幅烟嵐畫茗雲

雷聲低殷雨聲止擁樹濕雲潑不起晚風吹散曲池萍  
隱隱月痕涼浸水

題戴雁阿畫冊卽次其自題韻

方濬頤

一峰若眠羊一峰似插笏柴門傍江開畫亭不畫屋  
誅茅山之坳密樹蔽風雨巖壑足幽隱斯人慕巢許  
杖藜欲過橋白板林罅閉霜楓助秋色絢爛到雲際  
榮枯俯仰間不競師止水一卷果嶙峋九仞基乎此  
澄潭靜無波紅葉滿山醉移船藕花灣且向蘆中睡  
山不與天連雲氣縹而合結廬在林麓放懷入虛廓

倚石坐桐陰高人鼓瑟倦祇因月輪缺冰絃調將變  
垂垂澗邊篠弗是喬松侶羊求寂未來索居共誰語  
白雲忽中斷蟠虬風獵獵請看石隱流何曾出山脅  
紛然石筍排突起崇佛界山泉我思飲清冽同玉壺

許奉恩

生小愛山林束縛厭簪笏何當仿此圖枕江結茅屋  
雲歸遠山出踈林新過雨借問前溪水一夜添幾許  
山深過客稀柴門日常閉幽人獨扶筇脈脈望天際  
古木撐杈牙拳石峭依水莫嫌地太偏招隱當至此  
山居秋漸深霜楓學人醉一櫂入蘆葦去伴寒山睡  
大造妙幻形雲烟自離合須臾風掃開一覽天空廓

題襟館倡和集

卷二

九

停琴月在天樂趣不知倦中夜氣俱平那有徵聲變  
巖阿屋一椽獨居嗟寡侶竹樹出檐端時聽山鳥語  
山深好讀書圖史恣涉獵有時淪苦茗清風生兩脅  
雪霽天無雲一空大千界烹水燃枯枝何殊嚙甘溼

王尙辰

漁釣黃山湖看雲時拄笏牽船岸上住陸居本無屋  
迢迢谷口農友風復子雨所寶惟稼穡望歲天應許  
碧落作精廬雲氣日啓閉隨身一藜杖著眼在空際  
遁跡西顧岩盟心惟白水斧柯未爛盡生涯賴有此  
槎客自橫江得魚卽買醉舉手招楓人此日宜酣睡  
洞天有逋臣冥心寄六合枕石抱雲眠夢破重陰廓

雁阿伴孤琴，趺坐桐陰倦。我心如明月，古今常不變。  
養拙守研庵，松竹堪爲侶。保此歲寒心，俗人難與語。  
鑿室太華巔，蒼狗洞前獵。更欲飛上天，羽毛生兩脅。  
石爛天亦荒，此是何世界。誓將滄海波，化作金莖漈。

題沈石田仿古小冊

見江村消夏錄本  
九段今失其三

方濬頤

亭前蔭三松，亭右竹五竿。厥左秋爛漫，醉楓人丹莎。  
逕野水流恠，石紛巉岬。亭中賢大夫，緋衣峩其冠。箕踞  
手一卷，有琴眠不彈。意者休沐暇，此焉少盤桓。衡茅得  
幽趣，詩書追古歡。

仿趙吳興

村樹綠未齊，問候剛夏首。農工把秧針，繡錯徧畦畝。橫  
題襟館倡和集卷二

三

架龍骨車甘霖降已久，迺邇墟落間不斷。荷鋤叟了髻  
兩嬰孩，追隨饁餉婦。阿婆拄杖行，肩桶兒避狗門前挂  
青帘。糟床新醅酒。

仿趙千里

屨屨插天半，蒼翠看不足。岩坳絕靜邃，好築數椽屋。一  
犬吠山口，柳陰路紆曲。緣坡更蕭森，高下閒松竹。果然  
秋如妝，分豔楓與榭。端應愛紅葉，踽踽出空谷。曳杖水  
亭畔，逍遙緬高躅。

仿惠崇

秋林條半枯，威屑降層穹。亦有抗節者，凌寒尙蔥蘢。縱  
橫石犖确，不見山一峯。潺湲匯成谿，懸崖下飛淙。筆所  
未到處，蟠結詩人胃。板橋達幽徑，佝僂自支筇。借問叟  
何往，過溪賞芙蓉。

仿王孟端

金天氣肅殺，撐空怒槎枒。孤飛續投林，晚陣收寒鴉。忽  
驚茅屋側，簇簇垂紅霞。秋容妙渲染，霜葉伴春葩。涼颺  
戰叢篠，暝色迷蒼葭。船頭漁婦立，似愁歸路賒。漁翁後  
搖艣，移船就田家。  
仿趙仲穆

鹿寇老人歌，寫出圖中景。遠山劇有情，照水黛鬟靚。密

樹如點苔，叢蘆罷抽筍。秋來苔雪溪，文波縐千頃。無數

采菱女，離家掉舴艋。姊妹慣折腰，菱名亦菱。莫嫌冷

香光，妒季鸞絕意。師細沈見董跋仿趙大年

王尙辰

磊磊三株松，翛翛五竿竹。閒閒十畝地，中搆數椽屋。角

巾而深衣，貌古神淵穆。眠琴趣更永，把卷時還讀。回首

題襟館，倡和集卷二

三  
睨楓人，陶情醉醺醺。

晨曦起，荷鉏約伴向。墜吠苗莖日，以長盡把蕘。稗剗田

水綠，云云秀色飽。饑眼報午聞啼鷄，饑畊肩飯筮。農家

有古風，野酌禮數簡。

谿谷窈而深，嵯峨萬仞壁。樓觀嵌其間，雲霞烘紺碧。窄

徑潛通幽，亭空露簷脊。何處犬吠聲，拄杖來吟客。紅葉

秋滿林，憑眺千山夕。

枯木狀瘦人，奇崛神扞擻。沙嘴復高撐，隔岸俛培塿。畧

約臥中央，奔騰水聲吼。野叟閒荷笠，狗瘦橋上走。芙蓉

正着花，遮莫笑老醜。

江千秋氣早，衰柳澹落日。昏鴉選樹棲，墨點疏還密。柴

門寂無人萬竹徑  
邃謐菰蒲戰水聲  
歸來舴艑一暝色  
下短籬候蟲鳴唧唧

碧樹隱蟬聲  
青山澹螺黛  
平湖秋水香  
畫出凌波態  
鏡掩菱花愁  
波皺菱葉碎  
尖尖恐傷指  
嬌婉色可愛  
打槩晚歸來  
驚醒鴛鴦睡

許奉恩

種竹三兩竿  
鳳尾捎碧落  
種松一二株  
龍鱗蛻幽壑  
飽霜楓葉醉  
亭小半弓拓  
中有緋衣人  
簿書厭束縛  
側帽手一編  
公餘細領畧  
瑤琴韜不彈  
古意寄寥廓

夏至日初長  
濃陰圍畝木  
秧苗一色齊  
如針刺水綠  
婦子共勞苦  
慰藉籌車祝  
饁畝晚飯香  
料理餉黍肉  
酒帘

題襟館倡和集

卷二

三

挑半竿報到村  
醪熟提壺何人來  
犬聲出茅屋

層巒青插天  
疊疊如畫圖  
結廬山之阿  
雅稱高人居  
松杉萬綠合  
間以柳數株  
犬聲吠如豹  
澗曲流泉紆  
步履偶尋幽  
清風吹髯鬚  
倏然憺忘歸  
獨立一枝扶

平岡勢蜿蜒  
中斷忽不連  
板橋兩頭支  
渡人穩於船  
一叟過橋來  
策杖躬曲踈  
神閒步欲後  
側耳疑聽泉  
西風震林薄  
秋氣何森然  
芙蓉獨晚開  
綽約誰爭妍

斜陽下平原  
遠水光澹沱  
清風吹衣襟  
指點泛歸舸  
盪緩緩歌波  
平不用柁  
蕭森木已枯  
杈葉盡墜晚  
鴉爭投林  
瑟縮枝頭坐  
繞廬萬竿竹  
隱約寒烟鎖

我昔游茗溪  
一櫂泛秋水  
水濱三五家  
繞屋樹如薺  
維

時正采菱瓜皮穿荻葦村娃慣打槳宛轉波光裏但圖  
摘掇多不嫌角刺指於今披畫圖風景果如此

題襟館倡和集

卷二

三



學券 · 30

3

